

天一閣藏明代方志選刊續編

天一閣藏
明代方志選刊
續編

PDG

崇禎吳縣志一（江蘇）

天一閣藏明代方志選刊續編
一五

上海書店

吳縣志序

夫吳之有志也勑於大司馬蘇
公祐而南峰楊先生循吉爲之
載筆時南峰暮齒不及旁搜博
考特以古簡存作者之意書凡

十六卷八萬言後曹公自守來
宰是邑懼典故漸湮銳精厲神
以圖之會去逼僅繪圖撰說陳
公文瑞旣修舉成書又不戒於
火嗟乎自

世宗八年己丑蘇公勅志迄
今上十五年壬午蓋一百十四稔
不可謂不久矣其間吏治民風
因革損益湮沒失紀者可勝道
哉然而爲令者簿書旁午刑名

錢穀日不暇給或視爲迂闊事
不復能省有志者又往往時乖
勢阻不克成書而去夫亦有待
而然歟西陵牛公之宰是邑也
五年政通人和百廢具興報績

之日而吳志成焉郡學生王煥
如出腹笥以佐之孝廉楊廷樞
鄭敷教相爲討論修飾之書成
圖凡十五卷凡五十有四復蠲
俸壽梓而汧爲之序曰夫縣有

志其猶國之有史乎昔班固易
八書爲十志志蓋出於史權非
褒鉞職存掌故司馬子長所謂
整齊故事云耳然江淹以爲修
史之難無過於志鄭樵亦云志

者憲章之所賴必老於典故然
後能爲甚矣志之難言也牛公
栖五尺之榻而慮周一邑及千
百年之遠不恥下問不畏煩瑣
不矜所長不溺所私凡山川古

蹟有關於賢人君子者必書道
路津梁有便於人民者必錄聲
名文物忠孝節義有本於風化
者必極其詳戶口賦稅力役兵
防有係於

國計者必極其備以至天災物怪
所以警在位僧宮道舍所以聚
游手者無不周悉舉舊志所不
收或收而失實或訛而相冒或
混而無別或析而無當悉釐正

之上下千餘年條列如指掌博
而要藻而情可以言述亦可以
言作可以言志亦可以言史卓
然成一家言孟堅當韜翰遜謝
文通夾漈又何足道哉嗟乎今

之吳非昔之吳也賦役日加饑
疫未已富者變爲貧乏良民流
於盜賊有心君子按圖展志而
歎曰城池疆域如此其大也人
民如此其庶也爲官師者若何

以富之若何以教之休養調護
則吳民庶乎其有瘳也不虛一
百十有四年有待而成也不然
者山川古蹟亭榭園林人物政
事以供文人之筆客子之登眺

恐非公意也。汧亦不勝桑土綢繆之感焉。如徒以其鑒裁弘遠知識周密按據明審曰此良史才也抑末矣是爲序。

崇禎壬午冬日

賜同進士出身日

日講官右春坊右諭德兼翰林院

侍講纂修

對對問審曰此其史

大明會典持

以其鑒其

節

恐非公意也

冊封

益藩前左春坊左贊善翰林院

簡討

文華殿

平臺